



CHARISSIMIS

IN CHRISTO RR. A. PP. MAGISTRIS IN THEOLOGIA.

Prioribus, Prædicatoribus Generalibus, cæterisque Patribus, &

Fratribus huius nostræ Provinciæ Bæticæ

Ordinis Prædicatorum.

FR. EMMANVEL A S. THOMA

EIVSDEM PROVINCIAE HUMILIS PRIOR PROVINCIALIS.

ac Servus salutem, & Spiritus Sancti gratiam, &c.



Ostquam in Provinciali Capitulo, quod in Conventu nostro Regali S. Pauli Cordubensi nuper celebravimus, placuit vobis humeris meis Officium Provincialatus imponere, & eiusdem plurimos, assiduosque labores mihi subeundos iniungere cum plurimi essent ibidem qui maiori, meliori- que titulo hoc munere haberentur digni electionis Decretum ad Reverendissimum nostri Ordinis Generalem Magistrum delatum est, ut electio facta eius censura approbaretur factum est autem ut litteris suis patentibus, quas ad me destinaverit, eam sic stabilieris cuius litteræ sunt tenoris sequentis.

IN Dei Filio sibi dilecto Admodum Patri Magistro Fr. Emmanueli de S. Thoma Provincia nostra Bætica Ordinis Prædicatorum Fr. Antoninus Cloche Sacra Theologia professor, ac eiusdem Ordinis Magister Generalis, & servus. S. Cum vacante Officij Provincialatus præfecta Provincia nostra Bætica post expletum quadriennium R. P. M. Fr. Gasparis de la Mota, Patres vocales sub die 11. mensis Aprilis proximo elapsi in Conventu nostro S. Pauli Cordubensi capitulariter convenissent, sibi dictæque Provincia de idoneo successore, & novo capite provisuri, se supra nominatum P. M. Fr. Emmanuelem de S. Thoma, cuius doctrinam Religionis zelum, morum integritatem, regendique discretionem experimento, usuque noverant, unanimiter elegerunt. Missoque ad nos scrutinio suam à nobis electionem probari, ac confirmari flagitarunt, quorum iustissima petitioni, audito hic prius gravissimorum Patrum pleno consilio deque eorum concordi voto, duximus quantocius annunciam, ad quod nos etiam non mediocriter impellunt prudentia, dexteritatis, ac iudicii talenta, quibus à Deo dotatus es. Quapropter harum serie nostrique auctoritate officij absolventes prius te præmemoratum R. A. P. M. Fr. Emmanuelem de Sancto Thoma ab omni vinculo. Ex communicationis, seu quovis alio Ecclesiastico impedimento si quo es innotatus ad effectum præsentium dumtaxat consequendum, damus, præficimus, confirmamus, teque datum, præfectum, ac confirmatum declaramus. Priorem Provinciale, caput, & Pastorem præfatae nostræ Provinciæ Bæticæ cum omni ea facultate, auctoritate, & iurisdictione spirituali, ac temporali in totam istam Provinciam, inque eiusdem universos, & singulos Conventus, Monasteria, Collegia, Damos, Vicarias, & utriusque sexus personas, etiam Tertij Ordinis, quanta huic officio, sive ex vi nostrarum Constitutionum, & Ordinationum, sive per privilegia, aut probatum consuetudinem dignoscitur.

Precipientes tibi in virtute Spiritus Sancti, & Sanctæ Obedientiæ sub formali præcepto, quatenus statim ab harum receptione præmemorati officij Provincialatus sarcinam in humeros suos admittas, eique constanter pro viribus tibi à Domino prestitis satisfacere covaris. Porro sub eiusdem formalis præcepti districtione mandamus universis, ac singulis ad isthanc nostram Provinciam Bætica quomodolibet pertinentibus, quatenus te tanquam verum, atque legitimum suum, suæque Provincia Priorem Provinciale agnoscat, tibi in omnibus, & per omnia religiose pareant, & incunctanter obediant. In nomine Patris, & Filij, & Spiritus Sancti. Amen. Quibuscumque in contrarium non obstantibus. Datis Romæ in Conventu nostro Sanctæ Mariæ super Minervam, die 24. Maij 1693. Fr. Antoninus Cloche, Magister Ordinis. Registrata fol. 15. Fr. Iosephus de Sarabia, Magister, & Socius.

Suscepi igitur laborem hunc arduum quidem, & meis humeris imparem, tantum ut superioris, ac vestræ satisfacerem voluntati.

Cum itaque meum sit Patres dilectissimi me ipsum in his quæ ad consolationem vestram, & incrementum regularis vitæ attinent impendere, vestrum pariter erit Religionis vestræ observantiam, quam libera professione amplexari vobis placuit spontaneis operibus adimplere, sic enim fiet, ut grave huius officij pondus, & mihi suave iugum sit, & nullam vobis molestiam afferat obedientiæ legibus subiacere. Hæc autem quia non aliter quam largiente Domino obtinere possunt summis ab eo precibus agendum est, ut vestris commodis nunquam deficiam, & vos ipsi humeros vestros oneri meo supponentes minimè etiam deficiatis. Hæc igitur ut omnibus innotescant in virtute Spiritus Sancti sub Sanctæ Obedientiæ præcepto formali præcepto cunctis Prioribus, seu Conventuum Præsidentibus huius nostræ Provinciæ, ut has litteras suis quisque Fratribus Capitulariter convenientibus legi faciat.

Declaramus omnes depositiones à Capitulo proximè præterito usque in hodiernum diem habere valorem assignationum. Insuper notum facimus Reverendissimum P. N. G. Magistrum per suas litteras sub die 10. Maij anni currentis præcipere, ut omnes Priores, vel Præsidentes Conventuum, ad quos visitationis causa Reverendissimus P. Generalis Carmelitanus declinaverit, omnes illas significationes honoris, & acceptionis faciant, quæ nostro Reverendissimo P. M. Generali fieri debent, ob singularem erga nos affectum, & Angelici nostri Doctoris Doctrinam, ad quam sequendam novissime per Bullam à Ss. D. N. Innocentio Papa XII. obtentam totam suam Religiosissimam Familiam exortat, & strictissimè obligat. In quorum fidem subscripsi, & sigillo nostro parvo muniri mandavi in Conventu nostro Regali S. Dominici Malacitano die 30. Junij 1693.